

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS

manè discutienda in Scholis Medicorum, die Jovis sextâ mensis Martii, Anno Domini M. DCC. XLIX.

M. JOANNE-FRANCISCO COUTHIER,

Doctore Medico, Præside.

An Parisiis frequens potus Thé, frequenti potu Caffè salubrior?

I.



E A T A tellus est ager Parisiensis. Ægris sanisve nullibi aer salubrior. Nullibi gens felicioris ingenii, nullibi inculpatior sanitas, si quod satis est simplici naturæ, satis esset populi luxuriei & intemperantia. Quos terra è sinu suo fructus effundit, nulli ferè sunt alibi suaviores, nulli ferè, esculentiores; & si quidpiam cibarii toto orbe gignitur, nativis fructibus elegantioris saporis & alimonix succulentioris sibi facilè comparat urbs regia immensis opibus felix, ingenti flumine conjuncta cum omnibus, etiam feracissimis orbis totius regionibus, ex quibus dorso suo flumen spolia amplissima advecta reponit intrâ principis Provinciarum pomeria. Cives utilia secuntur, rescindant cupedias, rescindant ferè omnium morborum occasiones. Nihil est quoddâ metuunt ab insalubri situ locorum, ab aëre terrarum uliginosarum vaporibus inquinato, ab aquis cæno maligno turbulentis. A nimbois tempestatibus, à cryptis exhalantibus tetram mephitim, pestes & præsentaneas mortes invehentibus. Sibi temperant, gula imperent, ferent pretium exquisitum, firmam & stabilem sanitatem. Degunt sub cælo puriori. Erunt cæteris gentibus vegetiores, alacriores, ingeniosiores. Sed nihil eorum intactum relinquunt quæ sub utroque sole ardentissima & exurentia gignuntur, ut torrenti siti jucundius blandiantur, nihil ut torquentem famem elegantius expleant. Lurcones & helluones simplicibus, quæ prudens natura pataverat non contenti, vim illis inferunt, & perniciosè docti, arte damnosâ vel omne ardentium liquotum genus extorquent, vel impensis ingentibus asportanda curant, quæ gignuntur vel sub zonâ torridâ aut remotissimis terrarum tractibus, ut bibendo, sorbendo, pitissando, liguriendo jucundius titillantur, ut obfuscescens palatum voluptuatis omnibus in morsus acrius reficiatur.

I I.

N E repetas ab alio fonte tot formas ignotas veteribus morborum, quibus vexantur torquati nobiles. Sanguinis latex à se lactæ dulcedinis accenditur, æstuat. Morbis vix aliquis Medicinæ & sapientibus vivendi legibus locus relinqui-

A

tur, dolosis potibus & alimentis corruptus ager, ferendis impar morborum insulci-
bus, victus, faciscit. Tot præsidii ferox malum, artem sapientum intridet, cludit
indulstriam. Delicatiores sunt corpora Parisinorum corporibus incolarum totius re-
gni, nulli hominum infantes tam molliter instituuntur, omnem matres ponunt in-
dustriam ad fugandam molestiam, ne dum duriori labore corpus macerari sinant.
Omni studio risus & jocos advocant, ad tenetam ætatem admovent: in plumis cre-
cit, in edulis adolefcit ad juvenilem ætatem, ut hæcenus muliebrem insti-
tutionem referat. Sed ea cœli solique clementia est ut juvenes facti grandiores
obcant alacres durissimos Martis labores, & senes perfetant, si cupediis extraneis
non abutantur; ferè omne Parisiis genus alimentorum turget succis exquisitissimis;
sapore & substantiâ à nullo superatur vinum Burgundum quod in usu est; nullus
tenuior, nullus robustiorem præbet alimoniam, quàm panis siligineus ex tractu
Gonesensi; omni carniùm specie nulla succulentior, quàm quæ à Parisiis usur-
patur. Quàm multi otio desidîaque torpent, & quibus alii detinentur laboribus,
verè sunt exercitationum species. Istis sunt ingeniâ subtilia; mores humanis similes,
sed corpora teneriora & delicatiora.

I I I.

AT Q U I ferendo liquorum exoricatorum in primis Caffè assiduo impetui sic
nata & instituta corpora paria non sunt; huic textura delicatiori, fato in-
felici nostrorum temporum, novum damnum accessit, frequentior potus Caffè;
blandius irrepit, sed furit occultè nec idèò minùs atrociter. Ex Provinciâ Yeman
Arabie feliciâ à centum & trigenta circiter annis operâ & studio Prosperi Alpini
potus iste à nobis cognitus, ferè à quinquaginta frequentius usurpatus est: à sep-
tingentis familiaris Arabibus, neque tam infausto quàm nobis exitu. Semen illud
Ben dictum ab indigenis, fructui Cacao non abssimile, semen est arbusculæ scis.
sum ut dactylus per longum, bini fructus dividuntur sub eodem cortice. Duplex
est feminis Caffè species, alba & citrina: posterior priore præstantior est. Con-
stat ex principiis fixis & volatilibus plurimo phlegmate impeditis, ut nisi commi-
nutum torrefactumque fuerit, vires altius latentes evocari nequeant, exhausto ignis
viscoso phlegmate quo spiritus coeetcentur, vehementi tum perniciatè corri-
piuntur, in sanguinem infusi exagitant, torquent ejus particulas, dissolvunt textu-
ram, hinc invitâ naturâ vigiliâ extorquentur, hinc uberius urinæ excernuntur;
hinc partium ardores, hinc lapsu temporis marcor & atidura. Non istis potus Thé
laborat incommodis. De foliorum Thé vel elegantius Tcha juxta idioma Manda-
rinorum, virtutibus maxima est inter ipsos Sinas controversia. Alii vim illis ad-
scribunt magnoperè efficacem, alii volunt à præconcepis Europeorum opinioni-
bus illam tantum esse repetendam. Clamant piores se esse immunes à podagrâ,
calculo, guttâ serenâ; frequenti foliorum Thé usu Tartari rerum Sinensum nunc.
Domini, vesci soliti carnibus crudis, vexantur assiduis stomachi doloribus, ubi ab eâ
potione abstinent. Folia Thé triplicis generis à Sinis ipsis recensentur: alia crassa,
aspera, minùs jucundi saporis, familiaria Tartatis omnia cruda in stomachum
demittentibus, atque adeò indigentibus menstruo aciore, alia minùs referunt ar-
boris folia quàm ejus muscum, isque muscus modò sit vetus, fumina esse perhi-
betur in morbis acutis efficacè. Alia denique longiora cæteris & crassiora, quæ
si diutius asserventur, fiant magnæ virtutis, neque illa vulgatem cedunt in usum.
Usurpata folia ab omni plebe Sinenfi præbent tincturam subrubram, non nihil ama-
ricantem, neque ullo nomine insigniuntur quòd colligantur ex omnibus Imperii
Provinciis. Duplex iterum species est in usu tantum apud Mandarinos alioque
magnates, una foliis oblongis tincturæ limpida, vividioris, & saporis gratissimi,
volunt nostrates ut violatorum referat odorem; Sinæ contrâ contendunt hunc esse
ascitrium, & Thé inodorum notæ esse melioris. Hæc species vulgaris apud nos est
usis. Altera species est ex minimis foliis & subnigris, aquæ tincturam flavam &
delicatiorem saporem conciliantibus, stomacho etiam debiliori gratissimum. Hæc
quoque ad nos species advehitur, sed rariùs, sunt pura folia, foliis extraneis non

3

permixta. Amat arbor maximè procera & crassa, solum lapidosum, & virium majorum est solo insita vergente ad plagam Australem; arboris radices radicibus sunt mali Persici similes, flores rosas albis sylvestribus, abeunt in fructus magnitudinis fabarum alios rotundos, oblongos alios, illi unum pisum in capsula, hi duo continent. Avelana seu glans minor rotunda membranâ triplici contegitur sub cortice duriori, qui maturior scinditur, & hians corticis Castanearum more fructum detegit. Fructus recens amaroris est parum insignis, post duos tresve dies oleosus omnino rugosus & amarus percipitur, licet neque cortex, neque lignum ullam linguæ referant amaritudinem, imò sapor explicatur ad saporem glycyrrhizæ nonnihil accedens.

I. V.

TOSTIONE fætè tota subvertitur Caffè natura, redolet empyreuma & amaro afeititio, nisi saccharo condiretur, vix ferri posset; ignis vi quæ plurimo phlegmate viscoso irretita erant principia volatilia & fixa, eodem assumpto, libera sunt, ingressa sanguinem exagitant, somnum fugant, cient urinas: sales igne facti aciores & quasi caustici, magnâ copiâ, & vehementi motu correpti vellitant membranas, ut indè potatores commodum percipiant, sed fugax, sed dolosum. Si pulmones, si renes, si cerebrum viscidis humoribus obturentur, discutiunt & foras extrudunt; isto potu Parisienses abutuntur, pitissando otia fallunt, sine lege iterando sectantur oblectamenta, venenum assequuntur, quod prudentius usurpatum, foret remedium. vertigines accerfuntur, manuum tremores particulis acribus assidue membranas vellicantibus; sanguis naturâ paulò viscidior, facieit insensum potionis amaritudine, spiritus sensim exhauriuntur, superstes sanguinea moles abir in vappam viscidam, & lapsu temporis morum organa sapius vellicata vel nimis laxantur vel obriescunt. Ex axiomate chymicorum ignis-patrator est alkalium, totum idcò Caffè alkalinum est, quò sales & sulphura sanguinis absorpta paulatim per urinas deturbantur, tandem ruit robustissimum temperamentum, irruentibus plurimis morborum generibus: nec facillè Parisini patiuntur se à prava consuetudine & errore revocari, cui pertinaciùs adherent mulieres, sed hysterici insultibus, quibus nunquàm ita obnoxia fuerant ante Caffè abusum, dant pœnas pertinaciæ; quamlibet comminiscuntur causam urgentium morborum, ne à blandienti potione abstineant. Quò delicatior textura corporum est, eò gravius damnum tenerioribus inurit. Ignea-vis quam Parisinis insēvit cœli & soli in quo degunt benignitas, jam vino, ardentibus liquoribus, obsoniis acerrimis incalescent, penitus adjuncto Caffè potu accenditur, astat, virus delecterium sanguini permixtum lentâ sed efficaci virtute diffundit, incendium nullâ sapientiâ atrox extinguendum; extractum Caffè, & quibusdâ cruda seminis tosti infusio verum perhibetur esse venenum. Elieci ex frugibus & fructibus spiritus ardentes perniciæ & assidua mobilitate, tum & inconcinna particularum suarum figurâ Stimulos addunt nativis motibus elicitis ad certas leges & rationes institutas à creatore, vim inferunt prescripto ordini & sapientiæ. Alkali volatili quo fœrmè uno dives est semen tossum intemperantiùs ingestum, sensim laxatur compages sanguinis, spiritus exhalant tractu temporis nullis, quamvis cupeptis, alimentis refarciendi: sanguis ingentibus Germanorum dolis similis, quibus licet vini tantum adjectum fuerit, quantum per annum detractum fuerat, aliquot tamen post annos tota moles vapseit. Thé non ita ut portio adulsa Caffè; vim infert tenerrimis corporibus, coquitur sed humidâ coctione, leviter infunditur. Pollet sulphureis & salibus alkalinis volatilibus, sed nativis quibus mitigantur acida nimis evoluta, nonnulla adiungitur amarities & stypticitas. Ad deturbanda per urinas mixta sanguini heterogenea valet plurimum, hinc subleat caput doloribus tentatum, præcavet podagram & calculum, quod de duabus Thé speciebus ad nos allatis est intelligendum. Fortè aliæ quæ sunt in usu species apud Tartaros & Sinas nobis minus convenirent, quod illæ sint aciores. Testantur plurimi se cephalalgia vertigine, cardialgia, velut incantamento fuisse usu foliorum Thé liberatos, Exhausti

4

sudoribus, perigrinatione cursu, isto potu mirè resciumtur. Oleo plurimo sales temperantur quibus solvunt viscidos humores; undè molecule non feruntur illo impetu, quo abripiuntur adultæ Caffè partes refertæ igneis moleculis, undè feruntur vividius ventriculorum ejus sensum motus elasticus & tonicus perimitur: è contrà succo foliorum Thé vis digestiva fit acutior & spiritus resciumtur. Experientia compertum est molliores illas carnes fieri, quæ cum istis foliis decoquantur. Hinc patet solvendis in ventriculo alimentis, tollendis obstructionibus, sale quo turgent, vasorum tunicis hærentem materiam extergente, vacuandis humoribus guttam serenam & podagram gignentibus folia Thé maximè esse idonea.

V.

NON tamen folia Thé velim hujus esse efficacie quam sæpè corporis indoles, morbi vis & gravitas non spernat. O fortunatos nimium, si nostri juris pauca forent pharimaca unà vel alterà virtute eminenti insignia. Sed, iniques, lacte Caffè principiorum mobilitas temperatur, securatur amaritudo insolens: sed tutius ab eo potu abstinetur, quod eget aliis medicaminibus ut corrigatur, minus salutare & quod miscelâ temperandum. Excogitata à primo Authore D. Marthæ Thieullier, Facultatis Medicæ Parisinæ Antiquo Magistro, non esse medicario, si potus Caffè insons fuisset; sed Arabibus potus Caffè impune à pluribus sæculis familiaris est, (ut nobis foret nocivus:) Arabes non tædet vesci alimentis simplicibus quæ succo & sale nativo condiuntur, sic inedia sunt patientes, non fatiscunt vigiliis & durissimis laboribus: nos fervidis & mobilibus ignæ naturæ scintillis, simul & acerbis magnâ arte conquistis & paratis cupidius æstuamus, ut efficaces Caffè stimulos vix sine noxâ diù ferre possimus; fatemur illis non nocere, sed quibus meliore luto sinxit præcordia Titan; Alacres ferunt toto vitæ tempore impetum fervidæ potionis: sed qui sunt rexturæ delicatioris, tacitè & obscure facundam accersunt sibi malorum scaturiginem. Saltem eo sapient Parisini, ut dùm sibi liberalitè indulgent, severitè infantibus à pernicioso potu interdicant, donec maturiori ætate fiant robustiores; nec immeritò, experientia docet Caffè potatorum missum venæ-sectione sanguinem totum esse turbidum & quasi cænosum, floridum verò & vividi coloris eorum qui Thé potum usurpant. Crudis, iniques, devoratis carnibus, assiduè Tartari cruciantur stomachi doloribus, qui simplici potu foliorum Thé sedantur; vis ergò Thé ipsò Caffè potentior est, & longè actuosior. Sed ea species Thé quâ utuntur Tartari ad nos non transit; longè mitior est quæ à nobis usurpatur ut ferant stomachi debiliores, & recreentur & resciantur. Utinam ad adhereret species Tartari familiaris: optimum sæpè foret Parisinis subsidium doloribus stomachi quibus ab ingluvie torquentur. Ultimo nulli, obijeit quispiam, inter Sinas podagrici, nulli calculosi reperiuntur, ut quid ad usum Thé frequentem potiùs referas quam ad felicem cæli temperiem, Sinarum vitam sobriam, aquarum salubritatem? Thé foliorum virtus evanescit & exhauritur zonæ torridæ caloribus quos bis mercatores qui folia advehant, transundo patiuntur. Sed satis virium foliis super est, ut tollant capitis dolores quos uberior pinuit acida peperit; hæc ut sæpè arthritidis materies est, ut quid usus foliorum plurimum non conferet Sinis ad præcavendam arthritidem: hæc si ad bilem acrem & adustam, si temperamentum sit sicum & biliosum eo studio originem referat; fuge foliorum usum quo scèctatus fueris in temperamento plethorico & pituitoso, & ingestis alimentis aquosioribus; quod sates Thé sulphurei summè volatiles bilem exagitant, undè ipsa fieret mordacior.

Ergò Parisinis frequens potus Thé, frequenti potu Caffè salubrior.

Proponerat Parisiis ANTONIUS GARNIER, Lingonæus, Doctor Medicus Remensis, nec non Saluberrimæ Facultatis Medicinæ Parisiensis Baccalaureus A. R. S. H. 1749, à sextâ ad meridiem.

Typis QUILLAU, Universitatis & Facultatis Medicinæ Typographi, 1749.